

XXX<sup>1</sup> боб. Чет эл фуқароларини ва фуқаролиги бўлмаган шахсларни Ўзбекистон Республикаси ҳудудидан маъмурий тарзда чиқариб юбориш тўғрисидаги қарорни ижро этиш бўйича иш юритиш

**346<sup>1</sup>-модда. Чет эл фуқароларини ва фуқаролиги бўлмаган шахсларни Ўзбекистон Республикаси ҳудудидан маъмурий тарзда чиқариб юбориш тўғрисидаги қарорнинг ижросини амалга оширувчи органлар**

Чет эл фуқароларини ва фуқаролиги бўлмаган шахсларни Ўзбекистон Республикаси ҳудудидан маъмурий тарзда чиқариб юбориш тўғрисидаги қарор қуйидаги органлар томонидан ижро этилади:

ушбу Кодекснинг [51<sup>2</sup>](#), [51<sup>8</sup>](#), [51<sup>9</sup>](#), [56](#), [57](#), [58-моддаларида](#), 61<sup>1</sup>-моддасининг [биринчи қисмида](#), [94](#), [165<sup>1</sup>](#), [184<sup>2</sup>](#), [184<sup>3</sup>](#), [189](#), [189<sup>1</sup>](#), [201](#), [202<sup>1</sup>-моддаларида](#), 225-моддасининг [биринчи — учинчи қисмларида](#), [239](#), [240](#), [241-моддаларида](#) назарда тутилган ҳуқуқбузарликлар чет эл фуқаролари ва фуқаролиги бўлмаган шахслар томонидан содир этилган тақдирда — ички ишлар органлари томонидан;

*(346<sup>1</sup>-модданинг иккинчи хатбошиси Ўзбекистон Республикасининг 2019 йил 5 ноябрдаги ЎРҚ-579-сонли [Қонуни таҳририда](#) — Қонун ҳужжатлари маълумотлари миллий базаси, 06.11.2019 й., 03/19/579/3994-сон)*

ушбу Кодекснинг [224<sup>1</sup>-моддасида](#) назарда тутилган ҳуқуқбузарлик чет эл фуқаролари ва

фуқаролиги бўлмаган шахслар томонидан содир этилган тақдирда — чегара қўшинлари томонидан.

**346<sup>2</sup>-модда. Чет эл фуқароларини ва фуқаролиги бўлмаган шахсларни Ўзбекистон Республикаси ҳудудидан маъмурий тарзда чиқариб юбориш тўғрисидаги қарорни ижро этиш**

Чет эл фуқароларини ва фуқаролиги бўлмаган шахсларни Ўзбекистон Республикаси ҳудудидан маъмурий тарзда чиқариб юбориш тўғрисидаги қарорни ижро этиш мазкур шахслар қайси чет давлат ҳудудига чиқариб юборилаётган бўлса, ўша чет давлатнинг ҳокимият вакилига уларни расмий равишда топшириш ёхуд чиқариб юборилаётган шахснинг Ўзбекистон Республикаси ҳудудидан назорат остида мустақил равишда чиқиб кетиши йўли билан амалга оширилади.

Агар чиқариб юборилаётган шахсни чет давлат вакилига топшириш Ўзбекистон Республикасининг мазкур давлат билан тузилган шартномасида назарда тутилмаган бўлса, чиқариб юбориш Ўзбекистон Республикаси Давлат хавфсизлик хизматининг Давлат чегараларини ҳимоя қилувчи қўмитаси томонидан белгиланадиган жойда амалга оширилади.

*(346<sup>2</sup>-модданинг иккинчи қисми Ўзбекистон Республикасининг 2019 йил 18 февралдаги ЎРҚ-522-сонли [Қонуни](#) таҳририда — Ўзбекистон Республикаси Олий Мажлиси палаталарининг Ахборотномаси, 2019 й., 2-сон, 47-модда)*

Чет эл фуқаросини ёки фуқаролиги бўлмаган шахсни Ўзбекистон Республикасининг Давлат

чегарасидан ўтказиш пункти орқали чиқариб юбориш тўғрисида мазкур шахс қайси чет давлат ҳудудига (ҳудуди орқали) чиқариб юборилаётган бўлса, ўша чет давлатнинг ҳокимият вакиллари, агар Ўзбекистон Республикасининг ушбу давлат билан тузилган шартномасида назарда тутилган бўлса, хабардор қилинади.

Чет эл фуқароларини ва фуқаролиги бўлмаган шахсларни маъмурий тарзда чиқариб юбориш тўғрисидаги қарорни ижро этиш далолатнома билан расмийлаштирилади.

*(XXX<sup>1</sup> боб Ўзбекистон Республикасининг 2016 йил 25 апрелдаги ЎРҚ-405-сонли [Қонунига](#) асосан киритилган — ЎР ҚХТ, 2016 й., 17-сон, 173-модда)*